

Segun Tico Kock:

Universidad di Aruba momento grandi den historia di Aruba

ORANJESTAD(AAN) -- Tico Kock di AVP a felicita e pueblo di Aruba cu apertura oficial di Universiteit van Aruba, cu ta marca un paso nobo pa loke ta renovacion y ampliacion di e facilidadnan pa enseñanza.

Aruba awor tin su propio in-

stituto academico, cu segun Kock no solamente ta un instituto pa prepara hurista pero lo bira tambe un centro di intercambio di informacion, tanto científico como di asuntonan cu ta toca e bida diario.


Kock a enfatisa cu un instituto

academico asina por bira un plataforma importante pa stimula discusionnan necesario den nos comunidad, cu mester conduci na mehoranza. Asina tambe e Universidad aki ta simboliza e atencion y prioridad cu e Gobierno aki ta dunando na enseñanza ariba Aruba.

Mirando e caranan di nos propio yiunan di tera den directiva y tambe como docente, ta haci pueblo sinti su mes mas orguyoso ainda.

Kock a señala cu ta enseñanza ta pone e fundeshi pa e diversificación di nos economía.

Cu satisfaccion Kock a menciona cu e programa "Enseñanza pa Empleo" a resulta un éxito ya cu alrededor di 100 alumno a ricibi nan certificado y casi tur a drenta e proceso laboral.



Awor Aruba conoce dos universidad. Pa añas tin e "Universidat di Aruba" estableci na San Nicolas y actualmente tin e "Universiteit van Aruba" cu ta estableci na Playa.